


7 REDAKTUESI I REGJISTRIMIT

Redaktuesi i regjistrimit është pjesë e ndërfaqes së katalogimit, që mundëson redaktimin e regjistrimeve bibliografike dhe administrimin e tyre.

Regjistrimin, të cilin dëshironi ta krijoni ose redaktoni, ngarkojeni në redaktuesin e regjistrimit me një nga metodat në menunë **Regjistrimi**, siç janë: **Redakto regjistrimin**, **Shkarko regjistrimin**, **Përfito një regjistrim të ri**, **Krijo regjistrimin** dhe **Shto regjistrimin lokal në COBIB**. Metodat e lartpërmendura, me përjashtim të metodës **Regjistrimi / Krijo regjistrimin**, mund t'i përdorni vetëm te regjistrimi, i cili ndodhet në kujtesën e fragmenteve të regjistrimeve (shih kap. 6.2). Para se të përzgjedhni një nga metodat, duhet të klikoni skedën me regjistrimin përkatës në kujtesën e fragmenteve të regjistrimeve.

Regjistrimi në redaktues redaktohet në formatin COMARC/B.







Redaktuesi i regjistrimit përmban fushat, nënfushat dhe treguesit, të cilët paraqiten në maskën e përzgjedhur.

Shenja e fushave përbëhet nga tre shifra dhe shenja grafike e dosjes () , ndërsa nënfushat identifikohen me shkronjë ose me shifër dhe me shenjën grafike të skedarit (). Disa fusha i kanë të caktuara edhe vlerat numerike të treguesve. Varësisht nga parametrat e përzgjedhur në menunë **Parametrat**, fushat, nënfushat dhe treguesit shfaqen vetëm me shenja ose edhe me emërtimet e tyre.

Te paraqitja e regjistrimeve përdoren ngjyra të ndryshme:

- **blu** për shenjat dhe emërtimet e fushave dhe nënfushave
- **e gjelbër** për shenjat dhe emërtimet e nënfushave të cilat nuk mund të redaktohen
- **e zezë** për vlerat e treguesve
- **e kuqe** për fushat dhe nënfushat, të cilat duhen kontrolluar dhe përmirësuar p.sh. shënimi i kodit në nënfushën e detyrueshme

Fushat dhe nënfushat mund të jenë të detyrueshme ose të përsëritshme. Për të treguar nëse fusha është e detyrueshme ose jo, e përsëritshme ose jo, në redaktues përdoren këto shenja grafike:

-  – fusha është e detyrueshme
-  – fusha është e përsëritshme
-  – fusha është e detyrueshme dhe e përsëritshme
-  – nënfusha është e detyrueshme
-  – nënfusha është e përsëritshme
-  – nënfusha është e detyrueshme dhe e përsëritshme

Nëpër fusha dhe nënfusha lëvizni përmes tasteve për lëvizje ose miut, por edhe duke shtypur numrin e parë të shenjës së fushës ose shenjës së nënfushës. Në këtë mënyrë zhvendoseni në të dhënë e parë, që shihet në redaktues dhe shenja e së cilës fillon me shenjën e shënuar më parë. Nëse disa fusha janë të hapura, në nënfusha të caktuara mund të lëvizni edhe duke shtypur tastin me shenjën e nënfushës së dëshiruar (p.sh. në nënfushën 210g lëvizni duke shtypur tastin <g>).

emërtimi i fushës	numri identifikues i regjistrimit	vlera e treguesit	emërtimi i nënfushës
	NET-ID: 2049023527		
fushë e detyrueshme	001	Etiketa e regjistrimit	
fushë e përsëritshme	010	Numri standard ndërkombëtar i librit (ISBN)	
	100	Të dhëna të përgjithshme për përpunimin	
	1010	Gjuha e njësisë	
	102	Shteti i botimit ose i prodhimit	
	105	Material tekst, monografik	
	2000	Titulli dhe përgjegjësia	
nënfushë e detyrueshme dhe e përsëritshme	205	Të dhëna për botimin	
	210	Botimi, shpërndarja etj.	
	Treg. 2:	Përgatitur në disa kopje, zakonisht botuar ose shpërndarë publikisht	
nënfushë detyrueshme	a	Vendi i botimit, shpërndarjes etj.: Tiranë	
	c	Emri i botuesit, shpërndarësit etj.: Private	
	d	Viti i botimit, shpërndarjes etj.: cop. 2016	
nënfushë e përsëritshme	e	Vendi i prodhimit	
	g	Emri i prodhuesit	
	215	Përshkrimi fizik	
	2251	Seria	
fushë për futjen e të dhënave	300	Shënime të përgjithshme	
	Treg. 1:	Nuk jepet informacion	
	a	Teksti i shënimit	Indeks
	320	Shënim për bibliografi/indekse/përmbledhje (abstrakte) brenda njësisë	
	6100	Terma subjekti të pakontrolluar	
Fushë e detyrueshme dhe e përsëritshme	675	Klasifikimi dhjetor universal (KDU)	

Figura 7-1: Redaktuesi i regjistrimit

Të dhënat për burimin bibliografik shënohen ose ndryshohen në fushën për futjen e të dhënave, e cila hapet kur përzgjidhni nënfushën, të cilën dëshironi ta redaktoni. Fushat dhe nënfushat mund t'i shtoni, fshini, kopjoni ose ngjisni. Fushat ose nënfushat radhiten në një renditje të caktuar, të cilën mund ta ndryshoni (deri në ata kufij, që të ruhet renditja në rritje e numrit të fushave). Fushave, përkatësisht nënfushave mund t'u ndryshohen edhe vetitë e caktuara, p.sh. shkalla e detyrimit, gjatësia etj. Ato mund të shfaqen në format të përmbledhur ose të zgjeruar.

Te redaktimi i regjistrimeve mund të përdorni manualët COMARC/B dhe COMARC/A, të cilët janë në dispozicion edhe në formën elektronike. Në disa sisteme janë në dispozicion edhe e-manualët referues.

Mund të ndryshohen edhe parametrat e paracaktuar të redaktuesit të regjistrimit.

Nënkapitujt:

- Administrimi i regjistrimeve
- Hapja dhe mbyllja e fushave dhe nënfushave
- Shënimi i të dhënave
- Shtimi i fushave dhe nënfushave
- Fshirja e fushave dhe nënfushave
- Kopjimi dhe ngjitja
- Renditja e fushave dhe nënfushave
- Format i përmbledhur dhe i zgjeruar i regjistrimit
- Përdorimi i manualëve
- Parametrat e redaktuesit të regjistrimit
- Ndryshimi i vetive të fushave dhe nënfushave